


## Cuentu iin ri ina cuehe



Iyo iin ri ina ii chi ñasihi ri chi uni tahan sehe ri ta ri, ta ndahvi xaan iyo ñi. Ta quechaha ndatuhun ñi yoso cuhva cha cua nducu ndee ñi ta cua quee ñi iti nuun, vati ndahvi xaan iyo ñi.

Tacan cuu, ta quechaha cati maa ri ina ii can ti:  
—Cha cuehe xaan cuni yu vitin, ñachahnu. ¿Ñaan cua savaha yo vitin na?, ta iyo sehe yo cha cuni cachi ve ta ve —cati ri.



Ta quechaha cati maa ri ina sihi can ti:  
—Na cundehe yo a ñahni cha cua nihin yo tichi xahva nu cha sita ñivi mihin —cati ña.

Ta quechaha cati tahan maa ve ina cuati can ti:  
—¿A cuu cuhun tahan ndi chihin ndo?, ta cua nanducu ndi cha cua cachi yo —cati ve ta ve.

Ta cati ndico maa ri ina ii can ti:  
—Coho ndo ni —cati ri.




Tacan cuu, ta quee ñi cuahan ñi candaa iti. Ta sa cundee queta ñi iin xahva cunu xaan, ta quechaha cati ñi ti:  
—¿Yoso cua savaha yo ta cunu xaan nu nanihin yo cha cua cachi yo? —cati ñi.

Ta quechaha cati iin maa ve ina luhu can ti:  
—Na nuun maa sutu ndi, ta na tava ra cha cua cachi yo —cati ve.

Ta ni vii cahan ve ina luhu can, ta nducaaa chaha maa sutu ve, ta quehni ra nda tichi xahva, ta ña cuu ca nducu ndee ri, vati cha cuehe xaan cuni ri.


Tacan cuu, ta chihi ri.

Ta ndahvi xaan quechaha cuni ñasihi ri chi ndihi sehe cuati ri.





# Cuentu iin ri ina cuehe



**Rufina Hernández Mendoza**  
**Borrador - 2009**